



Broj: 01-292/14
Vareš, 29.12. 2014. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine FBiH“ broj: 49/06), člana 22. i 95. Statuta Općine Vareš - Prečišćeni tekst, broj: 01-162/12 od 11. 09. 2012. godine Općinsko vijeće Vareš, na 24. sjednici održanoj 29.12. 2014. godine, d o n o s i

O D L U K U
o upotrebi, čuvanju i vođenju evidencije o pečatima mjesnih zajednica
sa područja općine Vareš

I – OPĆE ODREDBE

Član 1.

Ovom Odlukom se utvrđuje postupak upotrebe, čuvanja i vođenja evidencije o pečatima mjesnih zajednica sa područja općine Vareš (u daljem tekstu: MZ).

Mjesne zajednice imaju pečat okruglog oblika, prečnika 30 mm sa kružno upisanim tekstom Općina Vareš Mjesna zajednica, a vodoravno po sredini pečata velikim slovima naziv mjesne zajednice.

Oblik, veličina i sadržaj pečata definiše se odredbama Statuta MZ u skladu sa Zakonom, Statutom Općine Vareš i ovom Odlukom.

II – UPOTREBA PEČATA MZ

Član 2.

Pečat MZ koriste organi MZ - predsjednik i Savjet u skladu s ovlaštenjima definisanim Zakonom, Statutom Općine Vareš, Statutom MZ i ovom Odlukom.

Pečatom se potvrđuje autentičnost službenog akta i stavlja se sa lijeve strane potpisa lica ovlaštenog za potpisivanje službenih akata MZ.

Član 3.

O upotrebi i čuvanju pečata MZ brine se predsjednik MZ.

Pečat MZ se mora čuvati i upotrebljavati tako da se onemogući njegova zloupotreba.

III – VOĐENJE EVIDENCIJE O PEČATIMA MZ

Član 4.

Nadležna općinska Služba vodi evidenciju o pečatima MZ. Evidencija se vodi u obliku knjige tvrdih korica sa numeracijom stranica.

Knjigu evidencije ovjerava Općinski načelnik.

Član 5.

Podaci o evidenciji o pečatima unose se hemijskom olovkom, čitkim rukopisom, a unosi ih ovlašteni službenik ili namještenik Općine.

Evidencija sadrži sljedeće podatke: Naziv MZ, ime i prezime osobe ovlaštenje za zastupanje i predstavljanje MZ, oblik, prečnik i sadržaj pečata, otisak istog, naziv, broj i datum akta kojim je odobrena izrada pečata, datum upotrebe pečata, posebne oznake na pečatu, razlog prestanka upotrebe pečata, broj i datum zapisnika o uništenju pečata, datum prestanka upotrebe pečata i napomena.

IV – POSTUPAK UNIŠTENJA I IZRADA NOVOG PEČATA MZ

Član 6.

U slučaju istrošenosti, oštećenja ili iz drugih razloga ako je pečat MZ postao neupotrebljiv, predsjednik MZ, a na osnovu Odluke Savjeta MZ, podnosi Zahtjev Općinskom načelniku za uništenje pečata. Zahtjev mora biti detaljno obrazložen sa tačno navedenim razlozima zbog kojih je pečat neupotrebljiv.

Općinski načelnik imenuje Komisiju koja provodi proceduru i uništenje pečata MZ.

Član 7.

Po uništenju pečata MZ, Općinski načelnik daje Saglasnost predsjedniku MZ za izradu novog pečata. Proceduru izrade i primopredaje novog pečata provodi nadležna općinska Služba.

Pečat se izrađuje u ovlaštenoj pečatoreznici.

Član 8.

U slučaju nestanka pečata MZ, predsjednik MZ dužan je odmah prijaviti nestanak pečata Ministarstvu unutrašnjih poslova i nadležnoj općinskoj Službi.

Nestali pečat se smatra nevažećim od dana oglašavanja na oglasnoj tabli, Službenim novinama i Službenoj stranici Općine Vareš.

Izrada novog pečata MZ umjesto nestalog se provodi u skladu sa članom 7. ove Odluke s tim da će ovaj pečat biti posebno označen.

U slučaju kasnijeg pronalaženja nevažećeg pečata isti će se uništiti po postupku i na način definisan članom 6. ove Odluke.

V – PRIJELAZNE I ZAVRŠNE ODREDBE

Član 9.

Nadležna općinska Služba će u roku od 60 dana od dana stupanja na snagu ove Odluke, napraviti Službenu evidenciju o pečatima MZ sa područje općine Vareš u skladu sa članom 4. i 5. ove Odluke.

Član 10.

Ova Odluka stupa na snagu osmog dana od dana objavljivanja na oglasnoj tabli Općine Vareš.

**PREDSJEDAVAJUĆI
OPĆINSKOG VIJEĆA**

Zdravko Marošević

Odluka objavljena na oglasnoj tabli Općine Vareš dana 30.12. 2014. godine

OPĆINSKI NAČELNIK

Kovačević Avdija, dipl. pravnik

O b r a z l o ž e n j e
Odluke o upotrebi, čuvanju i vođenju evidencije o pečatima mjesnih zajednica
sa područja općine Vareš

1. Pravni osnov

Pravni osnov za donošenje ove odluke sadržan je u članu 13. Zakona o principima lokalne samouprave FBiH (Službene novine FBiH broj: 49/06), članu 22. i 95. Statuta Općine Vareš - Prečišćeni tekst, broj: 01-162/12 od 11. 09. 2012. godine.

2. Razlog za donošenje

Kako bi se spriječila eventualna zloupotreba pečata MZ i kako bi se izbjegle manipulacije oko korištenja istog te zaštitili organi MZ, a uzevši u obzir da ne postoji akt Općinskog vijeća kojim se reguliše postupak upotrebe, čuvanja i vođenja evidencije o pečatima MZ, neophodno je donošenje ove Odluke.

3. Finansijska sredstva

Za sprovođenje ove Odluke potrebna su finansijska sredstva za štampanje knjige: „Evidencija o pečatima mjesnih zajednica sa područja općine Vareš.

PREDLAGAČ:
OPĆINSKI NAČELNIK

Kovačević Avdija, dipl. pravnik